



R. HIERSALEM.




*Non nisi dante Deo iuueni bona iungitur vxor,
Vir bonus vxori non nisi dante Deo.
Non nisi dante Deo, duo pectora colligat vnum,
Regna Philippus adit non nisi dante Deo.*

R. NAVARRÆ.




*Adijciens titulos titulis, & regna Philippus
Accumulans regnis exuperabat auos.
Vna fides, syncerus amor, mens vna duobus,
Et sacra multiplices copula fudit opes.*

R. GRANATÆ.



*Regia dum proles Fernandi sœdera sanxit
Coniugij ore decens femina, diues opum:
Fit Dominus Regni socero moriente Philippus,
Et venit plena copia larga manu.*

R. TOLETAN.



*Non viuit, fida quisquis sine coniunge viuit,
Dimidium siquidem non habet ille sui.
Inde sequuntur opes, numerosa munera prolis
Hoc vno medio, hæc Regna Philippus habet.*